

Mohd Amirul Kasyful Nur bin Zulkifli

From: UUM CORPORATE COMM.
Sent: 14 Julai 2021 13:34
To: UUM - All Staff; UUM - All Students
Subject: SBM Diperkasa, Lebarkan Sayap Ke Peringkat Antarabangsa



14 JULAI 2021 / 4 ZULHIJAH 1442H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Dr. Norizan Azizan
Gambar oleh: Pusat Pengajian Pengurusan Perniagaan (SBM)

SBM DIPERKASA, LEBARKAN SAYAP KE PERINGKAT ANTARABANGSA



UUM ONLINE: Gagasan Akademia dan Admin Holistik (GAGAH) UUM 2021-2025 merupakan agenda utama pertemuan Timbalan Naib Canselor (Penyelidikan dan Inovasi), Prof. Dr. Haim Hilman Abdullah bersama warga Pusat Pengajian Pengurusan Perniagaan (SBM) melalui Webex, baru-baru ini.

Prof. Dr. Haim Hilman memulakan ucapan beliau dengan menekankan peri pentingnya ahli akademik SBM untuk memantapkan kepakaran melalui kerjasama berpasukan dalam bidang pengkhususan masing-masing bagi memperkasa jenama SBM sebagai pusat pendidikan dan pembangunan dalam pelbagai bidang pengurusan dan pengurusan perniagaan supaya terus dihormati dan menjadi rujukan di dalam dan di luar negara.

Menurutnya, beliau mahu staf akademik dan pentadbiran di SBM berganding bahu serta memainkan peranan untuk menjadikan SBM sebagai sebuah pusat pengajian yang berkualiti dan dihormati, selain menjadi pilihan dan rujukan sama ada dalam bentuk program akademik, penyelidikan, penerbitan atau perundingan.

“Di samping itu, tahniah diucapkan kepada rakan-rakan di SBM yang telah berjaya menamatkan pengajian PhD. Saya berharap mereka dapat berganding bahu dengan pensyarah yang lebih senior untuk memantapkan diri dalam bidang kepakaran masing-masing. Ini penting sebagai persediaan untuk kenaikan pangkat nanti,” katanya.

Kemudian, beliau berkongsi tentang GAGAH UUM 2021-2025 yang dilancarkan pada April lalu dengan objektif utamanya untuk menjadikan UUM sebagai Lembah Penyelidikan & Inovasi (Strive Valley) dan Taman Penyelidikan & Pembangunan Komuniti (Score Park).

Menurutnya, lima (5) inisiatif Gagah UUM iaitu RAPID (Research, Publication, & Innovation Drive), SQUAD (Sustainable Quintuple Helix Collaboration), UNIVIBE, UNITAC dan SMART akan dapat memacu UUM ke arah Universiti Budaya Tinggi berteraskan cogan kata hikmat UUM iaitu Ilmu, Budi dan Bakti.

Katanya, GAGAH UUM 2021–2025 merupakan pelengkap bagi Pelan Strategik UUM khususnya untuk mencapai KPI bagi Teras 2 – Kecemerlangan Penyelidikan dan Teras 3 – Kelestarian Kerjasama Industri dan Komuniti.

“Inisiatif RAPID yang terbahagi kepada penyelidikan (RAPID 1), penerbitan (RAPID 2), inovasi atau harta intelek (RAPID 3) dan perundingan (RAPID 4) menjadi tulang belakang kepada usaha merealisasikan KPI dan PI Teras 2. Manakala SQUAD ‘Sustainable Quintuple Helix (SQUAD) Initiative’ akan menjadi pemacu kepada kelangsungan KPI dan PI untuk Teras 3 melalui kerjasama strategik dengan Industri (SQUAD 1) dan komuniti (SQUAD 2).

“Saya menggesa warga SBM agar terlibat secara aktif dalam menjayakan inisiatif-inisiatif RAPID dan SQUAD yang menjadi pemacu kepada kelangsungan KPI dan PI untuk Teras 2 dan 3,” katanya yang turut berkongsi Inisiatif Pembangunan Sumber Manusia terdiri tujuh inisiatif.

Sementara itu, Dekan SBM, Prof. Dr. Salniza Md. Salleh berharap semua warga SBM terus berusaha bagi memperkasa jenama SBM serta mendukung penuh agenda GAGAH untuk mencapai Pelan Strategik UUM dan seterusnya memastikan SBM dan UUM kekal relevan di pentas nasional, serantau dan antarabangsa.

UUM
CORPORATE COMM.

☎ 04-928 3039/3040/3097/3042/3052/3048/3049
☎ 04-928 3053
✉ ukkuum@uum.edu.my
📍 Universiti Utara Malaysia (Official FB)



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.